

國  
朝  
詩  
鐸

國朝詩鐸卷十五

錢唐張應昌仲甫編輯

水災

海嘯河決

湖翻淮決

江溢潮災

陶徵淮水溢見河防門

汪懋麟

河決見河防門

朱鶴齡

太湖西來天目源七十二溪波濤奔震蕩有時溢原野

未聞浩瀚迷乾坤五月稻秧齊插蒔三旬霖雨水澎湃

方憂漏天移澤國忽駭狂瀾卷平地颶風猛發神鬼愁

火龍擲火驅潮頭漂砂礫石失垠岸發屋拔樹蟠蛟蚪

聲如列缺鬬霹靂勢如其工傾不周乘陵城郭塔欲倒

千廬萬竈均洪流巨浪翻騰高屋過大魚潑刺平衢游  
更憐人畜死無數浮轉塞港漂難求百歲老翁驚歎久  
此災邑志從未有乘船入市何足云地軸翻天浸星斗  
我時惶遽無竄逃急上高樓守簾簌竟日魚釜無炊烟  
澆愁何處沽村酒變不虛生豈偶然撫時感事心欲嘔  
盛時蠲賑久不聞長吏敲榜肯停否欲訴眞宰天茫茫  
九關虎豹猙獰守吁嗟蒼生爾奈何但見號咷走童叟

濟上水災歎

沈名蓀

濟上淫霖連七日河漢倒傾江海溢麥尙存場禾在田  
盡付波臣不留一州官聽事行小舟州城將備棲城頭

民悲餓死事猶緩屋壓牆埋只旦晚白頭老父活一生  
未見此災災獨慘男啼女號聲未已州門告示催徵比

悲淮民

張永銓

悲淮民淮民大半作波臣千載神宮巨浸沒百年祖墓  
深淵沈壞我室廬魚游釜野老策隄勤畚土腳穿手爛  
不辭勞泥水齊腰草沒肚以車戽水水未出一夜平添  
四五尺乍喜禾苗簇簇青旋驚波浪皚皚白嗚呼河伯  
何不仁矯首呼天天冥冥不願俟河清但願隄無傾河  
臣之績勒貞珉

海嘯行

又

康熙丙子六月朔陽侯肆橫風濤作暴雨須臾沒野田  
怒潮頃刻盈溝壑沈沈不止到黃昏天威慘禍驚難度  
滬膠兩邑及崇沙鄉民半傍海爲家時過夜半海波嘯  
生靈百萬作魚蝦夫妻子母方宴息水漲牀前五六尺  
起來奔竄已無門家家盡向洪波沒最憐瀕死還相親  
數口同將繩繫身猶冀相依或相挈那知同泛竟同沈  
或鑽屋頂求身脫身隨茆屋偕飄泊或抱棟梁任所之  
風來衝激東西撒或攀樹杪得暫浮蛇亦怖死緣樹頭  
人怕蛇傷手自釋人蛇俱已赴滄洲官軍官馬死無算  
牛羊犬豕總無留黎明雨息風不定未沒人家歡相慶

遙見波中有一沙千人沙上呼救命潮來一捲半云亡  
再捲沙沈人已竟兒童婦女死成團寸絲不挂浮江干  
一日二日面目在浮尸填積如邱山三日四日皮肉爛  
臭聞百里真心酸五日六日至十日骨沈水底血成瀾  
腎腸半飫江魚腹肝腦徒供鳥啄殘半月海塘人裹足  
天昏地黑驚心目子夜時聞怨鬼號日中還聽游魂哭  
嘗考邑乘紀災祥嘉隆暨萬海波揚人畜淹沒稱無數  
百年未滿復遭殃嗚呼海民獨何辜賢愚老幼忽同徂  
天吳海若何殘暴布此虐令傷太和我聞異變心悲憐  
人命拉朽須臾間擬把羣尸一埋瘞探囊羞澀慚無錢

爲疏沿途乞相助同心無幾徒盤旋算來尸腐難盛載  
隨撈隨地理方全疏成徒作紙上語欲行利濟竟無權  
嗟哉閭里遭顛連越瘠秦視人胡然自古陰陽憑變理  
漫將劫數談蒼天

大水歎

五首

沈樹本

戊子春徂夏時若雨暘風種苗行方徧鋪田漸芃芃農  
夫顧之喜謂今歲其豐如何忽遭患霖雨無終窮西吳  
百萬畝化作黿鼉宮災殃其數然詎敢怨蒼穹所嗟民  
無食何以及歲終作詩維告哀聲比寒號蟲

溪水日夜長莫辨蘆荻洲橋面撐巨筏門內維行舟鄰

家有破竈來往紛游。條望中見屋脊簸蕩如浮漚。下田  
不可救沈沒。無一留高田。築版牘全力保甌窶。須臾仍  
潰決。一概成洪流。誰繪澤洞圖爲民陳龍樓。帝堯方  
咨傲。應切懷襄憂。

米船隔江左。米價騰浙西。五斗踰千錢。長飢痛丞黎。困  
空突無煙。食盡秕與稊。秋成望更絕。四顧惟荒畦。東家  
投水死。西家棄其妻。歸來仰屋歎。兒餓牽衣啼。兒愼勿  
再啼。今夜猶同栖。明當入城市。鬻汝如犬雞。回顧墮血  
淚。寸腸若刀割。徘徊出門看。曠野愁雲低。

去年旱魃虐。焦卷苗無根。今歲商羊舞。沈浸連千村。水



旱適游至何策甦元元吾聞上古時備患有本原三年  
則餘一倉廩常高屯縱遇天災至民力堪自存救荒於  
既荒所濟何足論而况併無策蒿目空憂煩

吾皇仁如天湛恩垂渙汗舊稅與新租全蠲豈惟卜  
小民一歲間縣門踪跡斷奈何奉行者天語敢輕玩

公然肆追呼不顧人焚歎况此遭凶荒豈能免逋竄長  
歌春陵行千載思浪漫元結稱浪叟亦稱漫叟有春陵行

江南潮災歎

恭和

望製

周長發

吳淞巨浸鼃鼃國一夕颶風勢未息波臣肆虐民罹災  
欲障百川手無力吹沙激浪竟滔天赤子何辜阨又值

嗚呼一歌兮歌苦辭民其魚矣疇可咨

一潮一汐日夕來孟秋旣望遭奇災怒蛟排空東澥起  
乘龍跋浪重淵迴民葬魚腹十八九澤鴻餘亦鳴哀哀  
嗚呼二歌兮歌具陳黎元軫念含酸辛

清者期河晏期海詎意沈淪甚癘瘵九年堯水聞懷襄  
此夕天吳驕特最施賑拯災厘 聖憂稻梁萬舶紛交  
會嗚呼三歌歌無言怒濤汨沒悲游魂

巨浪倒立翻長風盪潏淅水連天洪蜺虹噴嗽無雌雄  
海鱷饑腹以民充室廬捲盡如飄蓬四野絕少半畝宮  
嗚呼四歌兮歌幾疊陰厓尸積如堆葉

積尸堆葉吁可傷彼蒼何酷此一方萬點燐隨黑水滅  
千郊月照白骨涼卽未死者亦啾啾哀號夜哭桐棺旁  
嗚呼五歌兮歌詎闕誰爲砥柱安狂瀾

腐齒成邱絕堪憫縱有慈航苦難引是時銜命到江  
南聞此顛連生不忍大臣疏奏活無算何止殘黎救奇  
窘嗚呼六歌兮歌不已聖心饑溺皆由已

海潮捍禦急無策惟知上損斯下益截漕發粟療饑民  
仰體天恩在臣職陽春旋見起凋殘荒鄉不復悲蕭  
索嗚呼七歌兮歌告終哀此熒獨思無窮

青溪歎

鴈鵠

七月三日天沈沈海風吹作三日霖黦山妖蛟最得意  
夜拔潭穴漂嶽釜水來青溪十丈許鼓怒直使胥濤瘖  
胥濤氣短退三舍人如白蘋蔽江下屋材家具滿江汜  
烏虜青溪之人何辜於蒼穹人人盡在秋夢中不知魂  
游龍伯宮

踏大棚

踏大棚者崑山民俗估棹翻水之名也唯

潮地窪下者復十九外堰捍水高於內塘塘水  
復高於中田田窪淦淦稼翻水入塘勢如奔漏葦  
棚蔽日男婦雜採伊軋之聲沿村亘里入夏大  
雨匝旬秧穉水盛疾戾不救閱秋屆冬民有捐  
瘠者詩  
以良之

程穆衡

雲薤山尖山裏帽憑空雨點天飛瀑湖波瀾漫海波長

平田秧頂堪游櫂曳柴負扇拄洪流農民禦水如禦盜  
楸頭船子烏鷗飛一甌茶熟三通報鳴鑼鋏鋏集壩間  
水聲不敵呼聲鬧黃昏雲澹雨初停繞舍謗然聞急譟  
百口喧傳壩已圯叢聒鄰家求一犒塘外水高三尺強  
桔槔翻瀉連村壩中男小婦裸下裳脛骹紛拏呼疾蹈  
三日纔消一寸餘髀瘡腰酸腳起跑雨陣當頭潑墨來  
苗沈波底兼沈鼃滿望秧鞭嗟大無惟有鯁鯁可理厚  
三冬已過魚負冰尙見渟渚盈膝勒

愁霖歎

有前後兩詩  
此乃後作

沈德潛

前年赤地千餘里去年三吳傷大水今年淫雨仍不休

沙濤滾滾通平疇魚鼈出沒蛟龍遊田家有麥刈不得  
對此嗷嗷歎無食

吾家老屋牆垣圯堂階泥深深沒屐齒中宵檐漏鳴奔湍  
牀牀屋漏無時乾風吹燈昏四壁寒曉聞鄰家壓茆屋  
風雨聲中一家哭

比歲柴荒價無比況今菜麥淹欲死百斤三百青銅錢  
鄉鄰日高無爨煙窮民忍飢伐林木帶雨擔向豪家鬻  
鬻之豪家爛魚肉

觸目行

夢麟

宿遷桃源土不毛清河而下皆洪濤高賢村戶半坍塌

存者牆趾庭生蒿下河東望浩無際積潦乃與天爭遙  
聞昔少伯隄壩決埽落不敵天吳驕湖漲沒河河倒開  
中間弗辨橫隄高眼見田廬肆衝突不別貧富齊飄搖  
淮陽所屬作藪澤一任河伯恣貪饕田禾漂蕩倉廩沒  
妻臥竈下夫出逃洪澤水溢憊已甚黃流況乃乘其凋  
前已截漕四十萬川湖米石來輕舫皇仁憂惻念蓬  
戶廟堂擘畫心焦勞天災原非力可塞人事須慰哀鴻  
曹仁恩如海民弗及費而不惠空嗷嗷豈必官吏肆吞  
噉偏全極次分纖毫我歷徐淮逮高寶觸目未免中忉  
忉敢因所見道余意作歌聊當陳風謠

江甯蔡邑侯救圩歌

秦大士

蔡侯治行時少雙頌聲。日日聞此邦。攝篆三月百務舉。  
士民遠邇咸心降。昨聞父老歌。且謠神君救圩多賢勞。  
寸忱能格高天高。一手驅將萬頃濤。今年江濤勢莫比。  
諺語早憂船入市。腴田十萬付波臣。僅有存者沙洲耳。  
無何蟻漏潰大隄。奔騰涌出千鯨鯢。滄海倒注大聲發。  
怒勢直欲無遺黎。萬人竄避棄南畝。覆巢之鳥喪家狗。  
齊向縣門拜稽首。疾痛會應呼父母。侯聞倉皇出郭視。  
浮天一望連江汜。野水不通舟楫行。菱盆撐入煙波裏。  
萬民見侯來。望救情孔哀。侯爲掩面泣。下令如風雷。鳴



金聲高振江上。指撝夫役如將將。老民提筐幼荷鋤。堵禦邪許走丁壯。須臾負土成城壙。巨簞小筏供保障。蛟龍戢角不敢前。陽侯卷旆不敢抗。十日雨沐兼風餐。捍衛田廬得無恙。無恙已欣戴二天。金錢滿船廉俸蠲。排門計口散摩肩。溼突破竈一一噓炊煙。仁人之政利實多。感人爲作救圻歌。願侯長莅茲土兮。召年豐而時和。

荊州述事詩

治水災事  
十首選五

畢沅

渚宮重見小滄田。湘怨酸吟哀郢篇。慈筏津迷無彼岸。監觴勢蹶竟滔天。不知骨化泥塗內。祇道身經降割前。此去江流分九派。魂歸何處識窮泉。

涼飈日暮暗淒其棺窆縱橫滿路歧飢鼠伏倉廩腐粟  
亂魚吹浪逐浮屍神鐙示現天開網水患前數日江上有神鐙來往息  
壤難堙地絕維那料存亡關頃刻萬家骨肉痛流離  
浪頭高壓望江樓眷屬都羈水府囚人鬼黃泉爭路出  
蛟龍白日上城遊悲哉極目秋爲氣逝者傷心淚迸流  
不是乖桴便升屋此生始信卽浮漚

手勅親封遣上公勤民堂陞一心通金錢內府催加賑  
版築冬官記考工直欲犀然窮罔象肯教鶉結哭鴻蒙  
宵衣五夜批章奏飢溺眞如一已同

大工重議築方城免使蚩氓祝癸庚涼月千家婆婦淚

清霜萬杵役夫聲。蟻生漸整新槐穴。虎旅重開舊柳營。  
我有孝侯三尺劍。誓將踏浪斬長鯨。

海嘯

縣城東門去海不百步壬午七月十三日泊舟於此天方旱二更風雨大作一晝夜未止

嘯聲震撼山谷居民遷避入城余舟繫纜桑本明日視之桑已沒其杪舟子以篙量橋門水漲一丈八尺又明日乃定

祝德麟

乾隆壬午秋七月祝子省親返家室維舟縣郭大東門  
倒注銀河雨不歇自昏達旦歷昧晡瞥見城根隄岸沒  
晚來海嘯更可畏砰砰礧礧定何物初疑六鼃翻身地  
極頽又疑雷公失足天機摧石頭路滑萬轂擊昆陽城  
小千軍來鬪龍憤怒窟宅徙虎豹咆吼山崖開陽侯拜

天吳舞駭狀殊形不可數伍胥前文種後江濤助勢挾  
奔走赭龕搖動三疊掀颶母來往揚旌旃風聲潮聲亦  
不辨但覺萬竅噫氣鬱勃無由宣此時性命鵝毛輕居  
民避災盡入城我欲從之沒岸登一點滯油波心萍世  
間何路平如砥去家咫尺且遭此隱隱天鼓空中鳴五  
更餘怒猶未止

· 飢婦歎

毛上良

天公挾滄海洩入箕尾間擎舟四十里斷絕人與煙仰  
看日色慘俯訝地軸穿蘆中聞哭聲老婦牽一船大兒  
膝下啼小兒乳下眠曰婦夫免乎撈禾骨在田曰婦兒

免乎肉飽蛟鼉。昨聞隣家尸各各。飄前村一語千滴。  
淚哽咽氣不申。新婦病牀蓐屋折。靈風翻伶仃兩黃口。  
粒絕衣無禪。奉衣死道上。魂魄還團樂。號咷拍短楫。哀  
鳴叫皇天。誰當叩閭闔。黔黎救深淵。

下河民

張鏐

去年雨苦少。今年雨苦多。春山無麥秋無禾。下河之民  
遷上河。上河水淺。纔過腹濁浪。時時打人屋。小家賣兒  
女。大家賣黃犢。村村閉戶水中哭。食盡糲糠。況饘粥撐  
船入市。何所睹。但見波光不見土。朝下雨暮下雨。官府  
賑濟來。有米不能煮。

浙東大水行

秦 瀛

黑風摧山怒蛟立霹靂車纏電火急其工頭觸不周傾  
蹴起崩濤高百級半空瓦石隨雲飛千邨萬戶無完扉  
須臾赤子變黿鼉嗟爾性命何其微縣官登城城欲頽  
水突城闕聲喧虺城中居民上高阜縣堂滾滾排天來  
縣官下鄉喚鄉保如行羅刹人蹟掃四鄰雞犬寂無聲  
窮谷惟聞惡鴟叫婺州迤南連括州到處俱有懷襄憂  
路上死人不知數殘骸掛樹如獼猴死者已矣生更苦  
寡妻哭夫子呼父絕粒分作溝中瘠身無短褐居無宇  
我也聞之淚滂沱五行沴氣乖天和吾曹涼德據民上

民兮民兮奈若何

河溢

凌廷堪

甲午八月十九日鐵牛岸崩河水溢黃流浩汗訇如雷  
淮壖盡作蛟龍室黑風吹水相關爭濤聲撼天天爲驚  
可憐黔天走無路咄嗟人命鴻毛輕傳說瀕淮百餘里  
居民皆逐洪波徙號呼望救聲入雲富強登舟貧弱死  
死者骨肉爲塵泥生者俱上長淮隄淮隄無米不得食  
惟見日暮風淒淒垂頭枵腹但枯坐編葦棲身忍寒餓  
溼薪熟釜冷不煙婦子無聲淚交墮作詩寄語淮之民  
九重恫瘼同一身指日 恩綸下天府河隄使者加

拊循補偏救弊 聖王政坐令蔀屋生陽春

江北大水歎

陳文述

西北沂江源東南竟江委巴蜀積雪深併作大江水今年楚雨多東下三千里邗江入海處處隄岸毀汪洋成巨浸地水本相比兼之潮汐盛浩瀚不可止屋廬與墳墓在在水中止舟行不見岸惟見樹梢耳林鳥遠棲塔海魚近入市淶洞疑洪荒人民可知矣胥徒亟四出恤之錢及米紅船夾雙櫓渡人若渡蟻貧家葬近岸岸圯墳亦圯上下隨波流檣櫓相纍纍捐金爲瘞埋積棺若積几子孫悉流亡悲啼雜人鬼老人八九旬自言未



見此哀鴻徧中澤耳目忍聞視無德致災沴責躬惟自  
矢賑貸與蠲輸次第行就理更虞來年水奔騰復如是  
未雨須綢繆修防何日始更期種來麴春熟聊救死三  
復靡鹽詩潛然獨揮涕

雜吟

顧 菴

雷霆怒擊蛟龍徙九十州縣波濤裏縱橫一片天模糊  
桑乾水接滹沱水數萬愁魂聚於此二十餘日雨不止  
天子悼歎民死亡大吏飛章稱吉祥

河邊築隄高數丈蘆葦鬱鬱相依傍邇種高粱兼雜蔬  
胥吏導民民樂往租不入官利可壤土脈日疎水衝邊

民遭衝盪民自愚昔飽胥吏今飽魚

九重日念民疾苦急遣重臣視三輔鮮衣怒馬從天來  
四望茫茫去何所撲人況是風兼雨回首歸來報

聖主如天之福民不殘陳陳麥廩安如山

設廠煮粥府撥銀甯濫勿隘 言如綸 仁風扇處人

樂喜達官富商咸指困飢黎騰喜使者贖禁之勿偕官  
賑陳官賑給民憑紙易一紙吏索小錢百

哀新塔

查揆

飢民走喫官廠粥烏鳶下攫樹上肉樹上者誰民之族  
挂髮撐腸拄胸腹去年水來高過屋不死沈淵死喬木

其餘乃趨城西隅城西隅有僧浮圖紀年傳是吳赤鳥  
赤鳥不見見水鳧鬼燐熒熒白日通怪風哀壑聞叫呼  
舟人指謂予庚申歲六月其日二十四是夕塔遂折君  
不見圍圍塔下魚鱗鱗道傍骨

淮河歎

潘際雲

淮河四月風怒號捲起白浪翻塘坳老蛟噴沫天吳驕  
一隄如線居民逃夜半黑雲壓城濤翻空白雨尤蕭騷  
石岸迸裂流滔滔河流漫溢十丈高譬如弩箭離弓鞘  
駛如萬馬相騰騰譬如正練飛層霄轟如礮車摧塵囂  
魚龍灑灑遊平皋哭聲殷天民居漂峩峩高塔浸及腰

老樹露頂同蓬蒿何況草舍依荒郊流民蕩析容顏憔悴妻抱子泥沒骸提筐乞食髮垂髻夜半古河懸鐺颯見客流涕聲唯唯爲言頻歲凶荒遭去年首夏騰江潮瀾瀾千里成銀濤欲避無楫居無巢中田徒種黍與苗今年更值狂瀾津轉徙不復知昏朝賣得子女供餬槽我言朝廷沛恩膏勅下少府頒錢刀設糜散賑宣告條繕修隄堰完且牢招集流亡撫瘵凋會看水涸秋冬交爾其歸耕葺衡茅吁嗟鴻雁毋嗷嗷

開倉謠

胡敬

雨聲浪浪打屋瓦高田水向低田瀉浪浪晝夜無時休

低田水接高田流田高田低水一片農夫把鋤淚滿面  
五日雨無麥十日雨無禾無麥食不足無禾將奈何縣  
官勘災下鄉里里胥迎官跪田裏道言多雨稼不傷縣  
官聞言色爲喜府符昨下來火速催倉開待開不開視  
隣邑各各顧望相遲挨吁嗟乎身家事大民命小即使  
開倉吏中飽明歲催科書上考

劉珊插秧詞見田家門

悲河決

王蔭槐

淮濱野人閉茅屋夜枕啾啾聞鬼哭起看流屍積滿淮  
洶傳隄決黃河曲蘭陽七月風怒號如山捲起黃河濤

累卵之勢久所慮百丈一落波天滔蕩滴陳留沒汝潁  
哀哉十萬驚魂漂我聞招信舟人女湖宿撈得兒死在  
空櫝懷中粒粒謂所遺可憐尙望人收育又聞阜陽漁  
人晨汲水水中救得雙鬟起泣言家世本清門有兄赴  
試開封裏夜半洪流沒滿村倉皇託命車箱底雖蒙拯  
死出波濤滔滔何處存鄉里吁嗟乎天吳肆虐民何辜  
我欲上排闥闔呼君不見曹滑壕邊髑髏滿往歲賊亂  
民遭屠殘魂墮魄冤未散天陰頸血汚模糊豫州瘡痍  
猶在眼那堪復此悲淪胥方今 聖人憂旰食發帑屢  
下司農敕保障誰能旦夕功催輸恐盡東南力日暮喧

呼報急來更驚袁浦防隄驛湖波瀕洞聲如雷愁見妖  
星吐芒黑

黃梅大水行

張維屏

東去連鄱湖西來通蜀江浩浩江湖間波浪相衝撞邑  
當吳楚交其南卽潯陽由春以及夏恆雨無時陽陰霾  
壓四野道路成陂塘始慮損禾稼未料傷隄防何期雨  
不止江漲非尋常隄圩夜走報水長三丈強衝泥急奔  
赴寢食不暇遑濱江皆可虞迎溜尤難搪捐貲集畚築  
千夫相扶匡豈知盡人力未克回天殃一決數千尺頃  
刻成汪洋馮夷舞澎湃魚鼈爭跳踉富人預綢繆舉室

遷高岡窮民無所之結茅傍蔭棚棲與露宿藉草以  
爲牀魂魄驚乍定飢餓病欲僵賤子愧邑宰憂勞職所  
當小舟犯駭浪沿隄散乾糧飛書報大吏章奏陳天

閭 皇心厯赤子 恩膏逮窮氓發帑拯彫瘵蠲賦蘇

瘼瘡大小四十員治事誠周詳

至梅邑辦災自方伯以下凡四十員青蚨

按戶口白粲盈筐筐災黎十八萬庶幾免流亡賤子筋

力盡艱苦躬備嘗轉憶始涉險隄潰水若狂是時夜將

半月黑星無光急流衝一葉力挽逢枯樁舟幸不破碎

死生判毫芒

余勘災舟爲急水衝去力抱枯木乃免溺

一身詎足惜萬戶良

可傷比閩川漲盛汎濫及湖湘又聞江浙間淫潦淹村



莊下流旣瀾漫上流益縱橫昔爲爽塏地今亦卑溼鄉  
天公憫黎庶蛟鼉敢鴟張所望千里流早注百谷王哀  
罄雁澤聚修築鳩工良會看鼙鼓集復見虹隄長

雷鳴行

癸巳秋江水大漲農田漫沒水中有水鳥蔽日而飛轟聲如雷落田中禾無子遺村人謂之雷鴨按羅願爾雅翼云夜間有聲類暴雨詢其毗曰鳬鷺也蔽天而來必竭禾穗是也

朱緒曾

白晝雷轟日光黑合村面上無人色老幼喧呼雷鴨來  
枉矢陰弓驅不得千口羣飛江之涯陡驚風雨聲沙沙  
須臾禾禿鴨未飫東村霹靂西村去

癸未大水行

王之佐

迎梅送梅何連綿大雨廿日成漏天天瓢翻時兼雨雹  
窗櫺擊斷屋瓦穿一宵海風又暴起倒挾海潮怒不已  
百年老樹拔其根排牆又見橋梁圯我家正在堰上村  
砌碎白浪來打門下牀溜溜水一尺蛟龍入室驅雞豚  
田禾盡沒苦營救救之遠近鳴鉦喧連朝隄岸復崩潰  
老農無計空聲吞我時登樓起四顧平野茫茫失村路  
陰霾翳空黑於霧野樵漂來慘無數我其魚乎益驚怖  
朝不保暮草頭露民力告疲賦緩輸里正徒傳長官諭  
可憐十室已九空炊煙斷盡斜陽紅兒女求鬻來市中  
叱離乞食嗟奇窮何人慷慨解施澤大吏還宜籌善策

眼前火急請發棠先慰災黎造災冊

水災紀事圖詩

和王硯農之佐○硯農有紀癸未水災詩見繪聲集

蔣寶齡

朝呼雨晴暮呼雨晴晴鳩穀穀苦不靈淙淙簷漏仍作  
聲君不見鄰翁乞火涉水行

縣雨

低田歎瀾瀾高田半淹沒厚水倒置車呶啞晝連夕溼  
雲屯空雨未歇退不盈寸長一尺

踏車

風吹雪浪狂作堆前村後村圩岸積急流洶洶灌戶來  
此時老農猝無計釘竹爲防大非易且脫門樞殺其勢  
築壩

貨錢買新秧補種且努力苗乎得早秀償我士之二

補種

雨淫未已又風暴倒海翻江疾雷到千年老木拔根起  
疑有乖龍半空嘯田塍盡與江湖通海鄉木棉一掃空  
君不見癸未七月二日風千里以內無不同

風暴

破船搖雨爭入城告災曷能待雨晴里正勿辭苦先煩  
到官府漂盡田禾難救補須憫嗷嗷十萬戶

報荒

雨淋浪水嗚咽野樽無數漂杉皮或破裂兩頭無和莫  
辨別誰其創義駕小舫東來西往逐一撈叢葬待覓隙  
地高啾啾勿更悲中宵

撈棺

窮民盼已久長官來何遲長官辛苦岷豈知連日下鄉

肯告疲荒塍遍歷增歎歎回船颯颯風吹旗

勘災

堂皇曉諭徧村市賑濟來朝給官米老弱奄奄蹶然起  
市梢設高厰侵曉來踉蹌君不聞帑緡百萬布四鄉卽  
今先發常平倉茅屋便有炊煙香

大賑

助賑繼平糶是亦鄉里責指困幸不乏所乏陳陳積哀  
鴻日益多詎有萬全策

助賑

癸未水災雜感十首

趙奎昌

江村五月暮田疇秧齊青溼雲凝不散天色常冥冥急  
雨勢澎湃十日猶未停載土築圩岸周市如圍屏隨築  
水隨長一望連滄溟老農坐檐底歎此從未經晚來水

風冷啟戶聞魚腥

濃陰忽吹散屋角斜陽明迴風向東北水勢徐徐行踏  
車二三百徹夜無停聲倒捲出溝澮萬派皆逆行水退  
患秧少隣里羣相爭秧值日以貴一錢買一莖農貧少  
蓄貯典質家盡傾綠雲徧原野膏血無餘贏

忽忙兩三日補種將已齊油雲復忽合雨急風更淒一  
日漲一尺三日高於隄隄平急修護無處可買泥水深  
過牀榻駕木牆頭柄上漏復下溼破席遮頭低欲炊不  
得火饑眼神悽迷夜深望昏黑處處聞悲啼

野浪拍天起岸樹如風檣狂飈忽吼怒水勢搖屋梁一

舟出天際激水高帆張大聲急號救附載來高鄉高鄉  
去年熟積稻遮園牆結伴入村落乞食填飢腸飢腸不  
易填沿戶徒悲傷流離一月久雨氣終不暘豆苗爛已  
盡木棉亦萎黃莫言高鄉熟亦似低鄉荒俛俛復何之  
相對徒徬徨日暮飢火灼咽草充芻糧

老民泣相約詣縣同陳辭行年近百歲奇災從未罹一  
雨四十日水漲飄屋茨欲炊那得竈況復無米炊矜恤  
苟稍緩顛沛靡子遺邑令聽不樂中心甚懷疑身是中  
州人初未悉土宜好言各慰藉爾民勿憂思高粱與蕎  
麥本與民充飢水退應種此收成應未遲

吾虞海濱地東望皆沮洳水利久不講白茆浦已淤宣  
洩失故道衝激壞田廬請以工代賑刻日開深渠深渠  
不易開兩岸皆民居必當具疏請始敢動帑儲何不捐  
廉俸廉俸偏無餘繪圖進方畧議論何紛如遷延兩日  
久水勢仍如初昨日見官牒責令一里胥里胥不敢任  
進退形超超

水次何擾擾荒市森人煙問是何貴官奉檄勘水田水  
田不易勘一望波連天對之發浩歎憂思中心煎徒憂  
亦無益翦燭開綺筵紅袖兩行列玉手彈冰絃琵琶聲  
切切雨晦風淒然朝朝復暮暮幾日酣流連鄉民告荒



來遙望疑神仙

積水久不退城頭北風號窮民尙露處遮體無敝袍乞食入城市載路聞號咷何不煮白粥分給日一遭巨室屹相望有米如山高平時賤黃金揮霍鬪富豪誰知內慳吝不肯拔一毫廣陳因果說此念仍堅牢古人不復作那得齊黔敖

村婦罷紡績入市無木棉木棉連年熟所積盈萬千居之若奇貨貪壑誠難填米價復騰貴斗米五百錢縣官出告示合市皆譁傳責令書供狀按戶將名編愈禁愈騰貴其勢所必然不見州塘上偷漏仍如前木棉與米

豆滿載商人船

數行寬大 詔百萬窮飢民按籍書戶口戶戶沾皇  
仁計口授以米計屋授以銀俾民勿流散耕鑿歸其身  
歡呼夾道路 帝澤眞無垠一月賑一次闔邑無窮人  
平疇水亦退榮麥郊原新旭日照檐底破屋皆生春

農謠

朱 綬

風吹東雨灑空風吹西雨灌谿風吹南以北孟冬一月  
雨不歇東西南北風皆雨何日原間有乾土祈龍走拜  
社公祠擲玃乞晴神弗許刈禾雖了穀未收田主佃農  
同一愁今年收成十之六莫教爛盡堆場穀

朝見堆場穀穀蒸生有芽暮見堆場穀眼酸淚如麻雨  
中走告里正家室無居人戶不榷檐欹雨大吹溼面鄉  
隣爲言早逃竄歸來牆角看紡車今年欲紡無棉花天  
明入城告田主腹中少飯天又雨田主視天不得語明  
日官倉開嗚呼奈何吾與汝

曹楸堅愍災詩六篇見災荒總

水邨新樂府四首

柳樹芳

掘豆食

雨絲絲淹此一頃田一頃之田種不得豆貴如珠勿浪  
擲無米掘豆猶可餐呼兒搜索叢莽間衝風出冒雨入

抱薪然烘衣溼歸來且聽釜中泣

喫麥種

頓頓思炊粥無米吞聲哭倒盡瓶中幾粒粟瓶無粟甕  
有麥盡此種將何食隴頭有水不得下且過今冬休論  
夏

斷水稻

飢火燒腸淚欲迸入水終依稻爲命犯霜力呼子婦起  
攬米氣與蛟龍競斷一半架在竹束一半曬在屋水多  
地少何處堆不見雲頭漠漠雨又來

倒撐船

龜頭縮鴉尾續什什伍伍泊水宿以水爲田船作屋水  
無賦船無租魚鹽利爭驪呼爾曹無事日酣睡夜中出  
入何爲乎

樹芳又有大水行一篇見水利門

上江災

夏之盛

滂沱雨三月餘蛟卵庀庀爭徙居風雷爲擁護騰波溢

河渠

一解

上江歟葵間四縣蕩廬舍欲構檣巢木未架

漂者紛紛蔽江下

二解

死者亦已矣生者莫安撫淒絕

水濱諸雁戶伐蛟法未亡誰爲告官府

三解

潤州風潮紀事

道光癸未六月風潮大作洲田盡沒屋宇漂沈潤州紳士設賑焦山

清 恆

年年五月江潮大來如作客去無害今年五月江潮奇  
來如不速歸無期潮來高一尺潮退只五寸一月一丈  
五水高不可問最愁六月初三潮東風忽作天吳驕大  
江南北洲盡失狂濤勢欲吞金焦金焦上下三百里青  
山出沒煙波裏人家飄蕩若輕鷗處處江澄天作底東  
洲直與還沙連江流浩淼如無田南圩衝斷北圩破男  
呼女哭聲誰憐潤州縉紳勇爲善疾呼船救奚能緩紅  
船去卽米船來一時飢渴稍能免吾年六十歲有七大  
旱大水經非一從來未見海門潮石上水痕高八尺

大梁霖雨吟

聞媛馬士琪

溼雲壓風風無力白日茫茫光閉塞老龍怒吸江水渾  
三春霖霖足三月蛟龍得志走高隄濤翻浪湧蒼天低  
大河南北皆澤國郊原一望空田畦梁園改革盡貧蹙  
比戶曾無三斗穀春麥秋禾委巨波井煙處處聞啼哭  
哭之淚盡繼以血有司敲扑還摧裂憂國惟知督賦租  
餓孳誰傷靡遺子吁嗟吁嗟眞可哀驅車無計驚嬰孩  
一女千錢男五百逢人便售敢求益兒女悲號不肯行  
阿母含愁佯加責兒去母孤悲不止強持兒價糴珠米  
無何米盡復思兒將身自經綠楊裏早知兒失母難存

悔不當時一處死我聞此語心痛酸監門思得鄭公官  
救民重繪當年像多恐君王不忍看

旱災

禱雨喜雨附

禱雨詞

徐倬

火雲突兀燒枯柘陽田龜坼裂大罅

西江田有陰陽之別陽田最苦旱

早稻中乾晚稻萎民間愁絕斷穰稬小兒手執青楊枝

攔街齊唱咒龍詞門前瓶甌貯清水借與天工作雨施

吹螺擊鼓聲夔夔大令傳呼拜社公白紵麻鞋走烈日

緇衲黃冠滿路中早晨燒香紅暎暎暮行升堂催急斂

新租舊賦並時征虎檄飛符如雨點傳聞長安春旱乾



皇仁特放金雞竿積逋盡蠲輕繫釋黃麻宣處萬人歡  
有司不能揚帝澤禁宰屠沽亦何益螽蛄千里鬧空  
山欲乞天和求蜥蜴

攻魃篇

大名入里莊民郭虎報村人打旱骨將本莊新葬黃長運之屍開墳打欄按西域有屍涼蠲輒殺一黑驢取頭蹄分擊今北路遇旱或指野冢是魃擊鼓聚眾發而戮之謂之打旱骨雖塚主子孫不得問得毋惟

埋報怨聘茲藉口歟詩以紀異

顧景星

夏杪劇旱乾凍雨僅濡瓦秋穀行欲焦深溝土膏赭椎  
埋攻旱魃謹擊鼓聲啞異俗本西羌何時入中夏凶奸  
動無賴扇亂驚四野朝聞開封劫夜伏南塘馬謖言壞  
風化律令安可假刑政倘不修徒然望霑灑

憫旱

吳震方

三吳賦稅區本富之所藏厥土稱沃壤價畝十金昂雨  
暘幸時若耕稼猶足償上以供天庾下以充糗糧少缺  
糞溉資豐年亦徬徨不幸遭水旱入口難支撐歲在癸  
酉夏百日逢亢陽雲立山嶽聳風焦爐韜煬嘉種不得  
植土脈如石強婦女歎於室丁叟號彼蒼富豪競藏蓄  
都市閉閤倉令宰失撫循洵洵忽披猖上官憫災聚斤  
澤薰壇場步禱一何虔懇款側口脰壑靈闕幽潛豐隆  
戢景光符師層臺峙桃梗列五方逢逢雷鼓鳴靈文持  
木郎勅借江湖水鞭起眠龍雙禁咒術已窮幾欲焚巫

厖節當大暑後始得聞淙淙小雨難霖霖未肯翻湖江  
補種日夕苦又復鮮禾秧大吏目擊之痛哭陳災荒勘  
災官府來心亦爲憂惻但畏法令嚴逡巡費審量無甯  
隱不達忍使功名阬天高聽實卑萬里通堂皇聖主  
憂民切如傷過文王往者三秦饑賑蠲招流亡牛種及  
籽粒一一爲經營不揣蒙昧意欲救眼前瘡預一轉移  
間恩惠尤非常或者折漕粟緩作三年征范公嘗奏請  
前例猶煌煌康熙九年折漕十一年白糧十二年地丁均三歲帶征出前撫范公承謨之請苟  
遂二者願如執熱得涼我思告九閭無路陳愚盲誰  
能采風詩貢之

黼座旁

是秋張中丞請借蠲三十年漕米奉旨允行

憫旱

沈名蓀

旱乾最苦山東田水無轉輸單靠天自春不雨至六月  
土焦盡作龜紋穿從來旱蝗相倚伏早有老農知幾先  
言無數日蝗大起直衝西北從南邊薨薨戢戢密排比  
碎於白雨濃於煙慘悽得無鬼呼嘯整疾似有神笞鞭  
里巷倉皇競喧逐翁嫗涕泣成淪連長驅闢陣五晝夜  
幸聞北去無留延譬如兵過小鹵掠屠劫者半餘猶全  
兒童打撲所俘馘衿裏百十囊盛千湯煮火炙醃且曝  
盡入枵腹填饑咽其奈望雨雨竟絕赤輪天半高懸懸  
泰山無雲變頑石海濱斷脉成枯涎黑霞接日徒黯黯

紅蜻點草空蹢躅市糴一日一騰踊斗米四百青銅錢  
柳條竹枝圈在首泥神木佛擡盈肩呪龍禁螟法未得  
焚尫斬魃方徒傳昨聞官府點食簿收盡蠶蠹窮腥羶  
今朝朱僉大告諭禁斷屠宰明齋虔梵僧魚聲響若沸  
道士符筆粗如椽挽回天意心已盡爾民又何多求焉  
遷逃賣鬻兩皆可安意守待來豐年

胡慶豫臨江道中篇見催科門

陸晟折車行見田家門

祈雨詩

鄭世元

維月在修相地下蟣蝨臣爲我民旱故願天聽臣元天

心本仁愛豈忍殘吾民民亦呼籲久天聽豈不聞我民  
誠何辜罰乃降自天縱曰民有罪民罪終須原天曰民  
何辜厥辜在爾官旱固民就死不旱命亦殫旱死民可  
哀不早官獨全況旱豈天旱此旱實有因衆怨壅不散  
結爲酷暑愆是之謂人旱人旱海亦乾上久屯其膏官  
則燠爾氓是之謂官旱官旱不可言若徒歲爲旱此災  
弭不難歲旱縱爲暴詎抵官旱殘歲旱禾黍盡官旱骨  
髓完官旱致人旱因致陰陽姦爾欲弭此災去求爾官  
人下有府縣尹上有封疆臣反己各修省恤刑復施仁  
解澤先自沛一洗怨氣煩官能不爲旱民旱亦和暄霖

雨自然致五穀自然蕃百物各咸若艸木亦欣欣此理  
爾不知怨天亦徒然臣聞再拜退天命殊諄諄徬徨空  
庭中教我向誰云

禱雨行

諸錦

六月不雨吹炎風撫軍步禱元妙宮屠門下令收肉籠  
里胥得錢不上通管然仰見雲童童龍尾下垂日腳紅  
有司祈雨甚焚灼下令屠門勤捕索丙夜磨刀聲霍霍  
旱

沈德潛

日出未出如血紅火雲燒天蒸毒風下田亦作十字圻  
上田禾苗等枯蓬去年荒旱苦乏食縣令嗜血鞭耕農

愚民可懲亦可閔仁者終願全哀鴻今年旱魃復爲虐  
天高難問眞夢夢傳聞金壇溧水間蝗蝻過處田俱空  
義興百里染沴氣老耆憔悴連兒童往者湛恩下南國  
截漕十萬防災凶出陳易新有良法要令江左無疲癯  
黥吏飽死窮檐餓官長何必皆瘖聾仰首穹蒼誦雲漢  
忍令彫敝丁吾躬

禱雨歎

吳霽

六月不雨禾將枯大官禱雨特禁屠黠隸受約晨入市  
攘魚攫肉紛未已須臾大官拜佛來楊枝淨水青雲疊  
撞鐘伐鼓何嗶嗶上山入廟焚丹香香氣入雲雲不雨



日出雲中汗如煮。大官去。黠吏聚。飽齧魚肉。醉清醑。醉歸且宿倡婦樓。明日還探禁曆不。

祈雨詞

龔景瀚

吹金螺擊田鼓。男巫歌。女巫舞。迎龍王。祈甘雨。其雨其雨。日杲杲。土圻田乾。傷禾稻。女巫執鞭鞭乖龍。乖龍鬚鬚雙耳聾。帝閭迢遞不知處。稽首焚香對神語。惟民之命屬諸神。神不爲令當爲民。令也不德宜罪令。勿以一令輕民命。吉凶禍福神所司。或臧或否神監之。民有天災神不恤。是曠其官。畢當黜。再拜稽首祝神畢。神像泚泚汗欲出。乃召風伯策雨師。雲興雨霑。雷電馳決江河。

下霖霖萬民歡四野足來賽神唱新曲

禱雨謠

李鑾宣

轆門鑼鼓聲誼譁神旗搖搖奔向衙頭戴竹葉口吁嗟  
鑼聲震耳鼓聲急四天無雲日輪赤雨師失職老蛟匿  
我聞春秋繁露董子書縈絲伐鼓雩且吁又聞道家禱  
雨恃符呪龍虎真人術相受東山築壇高接天開元寺  
裏鐘磬宣長官拜跪父老踊壇上壇下羅香煙童男十  
十鞭蛇醫蛇醫欲死童男疲三日不雨至五日長官惶  
惑民憂泣長官無狀民太苦以哀籲天淚如雨淚如雨  
民不知天無言神格思詰朝雨腳墮江水一聲霹靂傾

城喜。

踏車行

祝咸章

朝踏水暮踏水踏折水車趺生趾纔得田間溝水流已  
看河底翻成溝東家脫衣質西家持券出三車高田雙  
車下田只論有水甯論錢可憐貧家空兩手竟日徘徊  
復何有有女宛轉顏勝花傷心忍鬻豪富家賣來賣去  
苦錢少僱人踏水無昏曉失時漑田田已枯水滿田溝  
苗不蘇晝哭田疇夜哭女門外徵租來里胥

憂旱謠

方于穀

東家買黃牛西家借種子只期旱季得安科吾儕大家

餓不死小滿已過又芒種十家盤水九家空明朝五月  
近端陽嬌兒竈下啼索糗老妻怒兒眞嬌癡年過八九  
猶無知年荒性命且莫保焉得棗栗供汝嬉勸妻詈罵  
且休歇隔隣恐被聞交謫牀頭尙收十斛麥

山頭一片殘陽紅林巒倒射光瞳瞳忽然清籟吹長松  
烏雲卷日飛向空雨在西南入九峯老農歡喜出戶走  
十步倉皇九回首爲喊長楊陰裏人此際桔槔宜歇手  
桔槔歇聲欲絕呼兒緊塞田間缺土乾雨急防埂裂雨  
聲將近風聲來林谷震蕩相吞排猛如萬騎屯高臺霎  
時風定雲頭開一點兩點清塵埃隴頭曳杖嗟空回天

公於我何有哉夜闌不寐還織屨仰見明星落高樹

水澤澤車格格趕車日夜牛駕軛疾如長虹飲巨川渴  
如怒馬奔乾泉倒挽銀河傾向天滿地噴作眞珠涎赤  
日當空日卓午旁人那識牛力苦請看大牯汗滿身一  
毛一孔落如雨吁嗟乎爾生不遇丙丞相爾縱喘死誰  
問狀

蔣家山山頭曉日紅斑斑陶冲驛驛前流水無點滴高  
高下下各成村村夜夜聞哭聲一升一合不得插秋  
來那得有收成哭聲未歇人聲鬧火光一片當門照腰  
間抽出硃紅票聲聲只道縣官叫縣官差派須立辨明

朝大吏過夜站

苦旱二首

程虞卿

田疇旣失秋民生日窘蹙塊堅不受犁那能布豆穀東  
家賣烏犍西家賣黃犢荒原赤如焚嗟嗟何處牧轉瞬  
春雨縣欲耕手空束眼前流離民遑計明歲熟

十里共一井百家來汲水汲多井水枯入筒半泥滓一  
人甕未盈十人坐而俟自朝至日昃來者尙遲遲候水  
不得水腸鳴飢欲死日夕抱甕歸飢夢猶呼葵

祈雨行

曹楸堅

青龍不鬪白額虎千家萬家守焦土打石牛問石姥吁

嗟求兮雩之舞街東街西走擊鼓鼓皮裂太陽熱曬出  
老農眼中血甯使眼枯苗勿枯甯使皮膚灼爛日日暴  
但願沛然一雨苗皆蘇天乎天乎哀我農夫農夫上有  
父母下有妻子一粒不收一家死上天好生不至此

鞭龍行

朱珊元

入秋不雨六十日官吏皆言龍曠職嗟哉民物誰實司  
歸咎於龍龍何辭縛芻繪紙龍體具鱗甲離披廓然巨  
手持柳條二尺來神物忽遘无妄災一鞭雷聲起再鞭  
雷聲止三鞭黑雲聚復散但有愁風吼殘紙噫吁嘻世  
事薄天罰深作威不服神龍心其雨其雨雨何有明日

龍潭又殺狗

苦旱吟

五首○嘉慶甲戌

柳樹芳

斷屠

官府多好生胥吏偏好殺斷屠有明文反中吏奸猾橫  
索屠門錢否則有大罰屠門盡恐惶奉吏如奉佛欲藉  
他苞苴何惜我膏血酒醴爲爾陳鸞刀爲爾割可憐斂  
鯨形依舊不生活堂階終懸殊復命吏有說

淨河

漁人魚爲生不漁將何恃昨聞號召聲淨河暫停止網  
船數千雙一一稽姓氏給發官府錢愛民真如子那知



射利徒尅減從此始所得本無多所剩僅餘幾旣難贍  
身家豈盡安閭里嗚呼荏苒中若箇無廉恥

平糶

社倉久空虛官府紛籌畫藏富多在民平糶眞良策飛  
符下鄉來勸捐幾百石減去一兩金增出萬家食里長  
會計工戶口先定額可憐貧家兒無錢那得糶哀鴻口  
嗷嗷飢雀聲唧唧寄語素封家毋將升斗刻

傳車

岸高水漸低一落千丈勢傳車如傳舍彼此互更遞長  
作鳬脰連牢爲蛇尾繫進若魚貫柳退似猿引臂如挽

上水舟如困峻坂驥徒聞聲呶啞不見水滂湃頭頂火  
傘張腳底血痕漬安得天見憐霎時甘雨沛

疫火

歲豐人氣旺歲歉人氣餒沴氣乘其虛往往逞奇詭列  
炬環作城陰火欲然海如放江都螢萬點落在水如蓬  
赤壁燒齊著明光鎧村人環視駭誤作荏苒揣細思陰  
陽爭物理宜有是去年歲不登愁歎徧閭里人飢鬼亦  
飢羣作若敖氏時當寒食寒誰燒紙錢紙飢火灼中腸  
幻相有如此不聞餓鬼道烈焰口中起晉爲縛柳車送  
出苦海裏

樹芳又有苦旱行見水利門

水車謠

褚逢椿

曄曄确确呀呀呀蛻骨屈曲盤靈蛇  
漸漸汨汨濺水花  
絡絡蛤蛤鳴青蛙  
子婦饁餉農夫嗟  
烈日曝背天無霞  
安得黑雲壓屋萬里驅雷車子婦  
哺兒農歸家

拜水行

台州久不雨土人禱雨者祠龍取  
水謂之拜水俗頗妖異爲詩紀之

孫衣言

今年台州旱魃虐土人禱雨兼戲嬉萬人齊出從土偶  
鐃鐃鉦鼓十丈旗  
兵械雜沓矜與戰  
亦有披髮行麻衣  
山僧道士口嚙呀  
小兒圈頭楊柳枝  
云假神力取龍子

龍王睡熟呼不知深林幽暗窟穴露坐列瓶甕苦死祈  
靈物變化不可得或致鼃蛤兼蛇醫捧歸舞蹈謂神降  
五步一拜聲嘻嘻遂呼太守來屈膝令丞汗背紛奔馳  
旁人腹誹不敢議爲俗旣久忘其非我初聞說心然疑  
乃今日睹還嗟咨焚巫暴疋古或有於禮未合聖所譏  
恆陽恆雨有感召此乃變譴非龍司齋心默禱理當驗  
兒戲豈足希天慈况復裝束貌獮惡長槍白木肩相隨  
有時中路相要遮云奪雨工分雲師章安俗强本鬪狠  
竊恐倉卒爲亂機禳災救患自有道此弗禁止須何時  
君不見一朝奪取河伯婦西河太守能滑稽

附喜  
雨 快哉行

杜 濬

江東自從大麥黃乾風吹塵十丈强高田低田徧龜圻  
焦土何處容鍼秧我行江北耳輿論旱魃安得災滁陽  
太守憂民若赤子斯民戴守如爺孃快哉五月十三雨  
堪紀城隍廟中鼓聲起步禱剛傳太守來香煙未斷翻  
盆似倒捲黃河定是誰知是龍池老龍子六鄉三市何  
所聞歌聲笑聲雨聲裏霑足滂沱自此州橫被迷溝與  
頓邱錢鋪勻泥古塍復桔槔洩水方塘收掃括倉箱待  
子粒抖擻蓂莢驅黃牛老農相顧得有此感格豈不繇  
仁侯君不見太守謝壇民擁足相賀吾侯今日可食肉

後快哉行

又

今年竹醉之日得好雨原田水深非小補潺潺瀾瀾流  
浹旬情農遲種仍乾土北風之圖不我涼雲漢之詩亦  
何苦或言龍挂三日前火雲騎日殊茫然或言屬邑有  
大雨來者亦復云虛傳或言四鄉雨不絕太守疑信終  
憂煎寸忱積禱見靈貺祝版往祭豐山巔誰知飲福猶  
未終電掣雷轟三百里分明舊雨不如今舊雨三尺今  
半咫舊雨當時已足奇今雨回天良有以君不見大河  
南來十三盜礮礮項領猙猙貌八盜八馬皆肥膘一朝  
穿鼻擒之到刀脊猶殷乂澗血箭鋒忽折仙居道觀者

傾城如堵牆。駢肩疊跡惟知笑。維時太守獨沈思。城中  
巢穴誰得知。矧有兩梟猶未得。甯無三窟當窮治。大之  
城池小府庫。豈獨編戶關安危。宏羊不烹天不雨。何況  
此物容留遺。果然一鞠得賊首。市中童謠天上口。明臺  
懸鏡光熊熊。賊智焉能度。某某向者兇徒皆虎豹。此時  
囚繫同猪狗。快哉真賊盡得株。累寬廓清不獨滁。陽安  
是日密雲方布濩。列缺吐火豐隆譴。金蛇出沒銀箭攢。  
絕奇雨點大如盤。東塘放溜西堰滿。古井亦復生波瀾。  
除民之害天心歡。噫嘻彼焚巫覡誠何干。

雨金行

先 著

皇天震怒牛斗墟連歲降殃民爲魚今年火災被建業  
不雨始自三月除先焚府治次井邑官失廨舍民無居  
此時畏罪走蹙蹙迎神召符下甘澤皇天視民如嬰孩  
暫加譴責心實哀果然大旱不過十三日俗謂大旱不  
過五月十三  
黑雲奔突從西來颶風鼓檐作虛勢入夜滂沱沛然至  
傾盆一日猶未休深流數尺少平地歡呼頓使米價平  
喧天插秧聞鼓聲我雖無田切望歲不禁喜作雨金行  
頗聞淮陽之水今仍前死亡百姓誠可憐天公有意赦  
此國何不鞭龍退水爲良田皇天冥冥苦無語長吏正  
攫官私錢。



風災

風霾行

丁 澎

今上御歷十三載三月旬日風晝晦 詔問有司災異  
狀法部郎臣昧死對臣聞漢帝除肉刑醴泉溢出芝草  
生秦時赭衣常塞路日蝕星移失恆度古來祥眚信有  
諸劉向李尋數上書丞相席藁請避位帝曰咨爾言非  
虛方今陽和布大澤雌蜺晝見飛沙赤馮夷擊鼓蚩尤  
爭太乙靈壇詛風伯秦川地震三輔霜郡邑不敢追流  
亡宿舂末給縣官稅更煩徵調徙燉煌鉤考參連不知  
數譴責稍遲督郵怒司空歲滿城旦書廷尉門填桁楊

路商王解網舜好生 聖朝尙德復緩刑黃麻如飛赦  
書下父老涕泣祈昇平 帝省齋宮天可變風不鳴條  
世清宴蒼鷹乳虎投遠裔赤鳥應集靈和殿臣等披瀝  
惶恐言 陛下聖明制曰善沈歸愚曰時秋官濫刑故  
胡菊潭曰絕似一封陳災異疏可稱詩諫○施愚山曰  
紀年之作有碑史闕白樂天元和歲在卯六年春三月  
月晦寒食天天陰夜飛雪韓退之元和六年春寒甚  
不肯歸河南二月末雪花一尺圍起手與此詩同

彭城風災行

沈名蓀

奔騰倒瀉黃河水頽洞淮流下陪尾不則怒走支巫祁  
掣鎖不甘潭底死天柱幾崩地軸折高臥敢云堅不起  
披裘出戶仰天望亂雲墨黑雜蘋紫城東河北請出妖

秦炬烘天近在咫尺風聲火聲人號聲不忍聞之欲塞耳  
不知明日檢焦土掃幾民塵盡幾市災祥莫問只憐民  
蝸脫壳廬燕失壘草棲露宿迸何所慰恤不聞騰一紙  
詰朝打鼓升公堂比較催科稱刺史

台州勘災紀事

謝啟昆

嘉慶二載秋七月耿耿銀河出復沒牛女之次台階旁  
有風鼓自土囊穴初從大塊發噫氣旋翻貝嶠鬱蓬勃  
舸艫如山浸黑洋魚龍奮鬣驕白日飛廉布陳鳴喧厖  
天瓢覆雨灑倉猝排山萬馬驅潮來嘉禾盡偃木斯拔  
豈惟茅茨捲三重但見屋瓦飄百室保抱攜持衰老稚

鬼哭啾啾及枯骨牢盆失利空白波竈戶無炊剩黔突  
太守飛牒告大吏敷奏于帝語皆實我職旬宣亟命  
駕星言不辭道路躋周巡回浦厯章安甌國邨墟一覽  
華爰頒帑藏載後車分遣掾屬勤撫恤萬間未暇庇庶  
厦一椽可補當慈筏載以舟楫資糗餌死者掩骼濟仁  
術耕不餘三民乃咨征緩其一政有秩方今聖人大  
澤施勿使方隅一夫失租賦屢荷蠲萬億粟帛况又頒  
耄耄太倉有積因陳陳升斗何會計屑屑海隅地瘠鮮  
益藏民生苦窳謀竭蹶上則下則有等差忍令斥鹵納  
穗稭祇宣上德布仁風匪博羣黎誦生佛

颶變

孫衣言

月在丙申日丁酉大風夜拔山石走雌蜺助虐驅雨師  
海水倒立長鯨吼白日不出光冥冥雷公遁匿安敢爭  
黑雲墮地作昏夜空中似有蛟龍行野人婦女走且號  
驚絕屋角生波濤南山萬樹高十丈一一拔去如秋蒿  
眼見室廬作飛瓦竊恐性命隨鴻毛嘉慶始年風折木  
父老猶言無此酷一夕欲瀉銀河乾萬里恐成地維覆  
我聞自古聖明朝五日十日風雨調卽今舜禹鳴簫  
韶雨工颶母爾何驕得無有司自失職坐使萬室遭流  
漂去年少饑民乏食已有搶掠禁未得今耆耄頭一尺

沒柑園芋田百無一貧民晝出歸無家或縛溼茅棲木  
末坐視窮餓眞可憐竊虞流徙生戈鋌擬借官米百萬  
斛旦暮解此哀鴻艱幸完妻子無遠去忍待麤麥看明  
年嗚呼安得有司眞仁賢爲汝入言天子前

雹災

雹異

丙辰四月  
澤州紀災

朱樟

陵陂麥欲黃微浪蕩秋影妖巫報食新雪信到炊餅塌  
熱陽旣舒棄冰陰乃凝駭雲閃青紅厥勢實狂逞孽山  
雷軸掀擺磨電檐整龍君縮氣迎珠粒走無脛撒菽同  
貫斡過樹漸滅頂蹂躪萬馬奔狼藉只俄頃遺穗無一

存火照阡陌冷倉皇走晉夫舌磬指廬井方圓記尋丈

怒不及隣境沴氣襲蕉河殃路判葦町蕉河葦町皆地名時方

陰陽爭去夏至十日燒夏失炎秉得毋人事乖未可苛政猛

辦香乞霽威掃倉拜掠剩法苑珠林雷部有掠剩司寡婦利幾何殘

粒拾芒穎絕殮饑始驅儉腹食欲併殺盛行小懲罪歲

有新警還笑浙臉兒諱災呼雨硬宋紹興中臨安雨雹太學瓦碎官請修葺

諱電呼  
爲硬雨

### 雹災行

張衍齡

玉龍鼓鬣雷霆奔大珠小珠懸亂噴浮雲塞空天地晦  
狂飈捲石波濤渾老翁仰天呼不得眼看田野聲暗吞

豆苗糜爛麥苗盡一家何以供饗殯由來帝心最仁愛  
奚使萬物遭遭迤妖祲橫行害氣盛數逢陽九難具論  
我欲排雲叫閭闔猙獠虎豹阻九閭磨牙奮爪肆吞噬  
飛沙吐火驚人魂抱頭戢翼且靜俟元黃戰罷宇宙存  
桑榆杲杲日漸出川原濯濯樹已髡須臾明月照西極  
晶光晃耀如白日遙聽鄉邨起哭聲坐對冰輪三歎息  
雪災

十一月五日紀災

道光辛丑

閩媛楊素書

沈陰五日天地閉萬徑蒼茫鑒玉戲冷龍鬬敗鱗甲拋  
愁挾罡風作威勢樓臺傾覆垣棟摧苦無雙翮能逃避



東隣西隣盡哭聲兒覓阿翁昆呼季明晨里正徧報災  
五百餘人遭壓斃就中頗有未覆屋危如累卵一絲繫  
凍痕迸裂瓦縫圻屋溜淋漓橫莫制牀幃溼黥睡無所  
終宵兀坐頻驚悸人民艱飢至斯極禳災到處窮牲幣  
或者天公抵兵刦讖語分明徵白地或教滕六先告凶  
肅殺西方兆金氣集澤哀鴻未盡還自秋徂冬更加厲  
擁衾臥聽風霰聲獨對寒燈心惴惴

前題同作

沈蘭

風塵萬片大於葉亂撲紅塵五尺雪平川浩浩白上天  
南北峯高望愁絕千家鍵戶斷炊煙冷魂凍裏兜羅繻

編茆小屋陡傾圯。妻孥號夜無安眠。得逃一息尙百幸。  
何況枕尸相接連。上蓋墮瓦下冰墊。中有血肉無人憐。  
玉川屋老危岌業門闌。半蹶桶半偏便。欲手把千尺帚。  
掃開萬里頑雲頑。嗚呼天災疊見人艱危。卻憶年年徵  
瑞日。安得日輪高捧雲衢彩。大地陽回龍戰解。

雷異

施閏章冬雷行見歲時門

日食

日食詩

張文瑞

是歲乙未春四月丙寅朔完完白日繫圓靈光華爛熳

國朝詩鐸

卷十五

雷異

日食

星

如新浴予時羈居育才坊獨騎欵段恣遊矚入門下馬  
還茆齋惠風飄飄吹我服坐見階前一扇塵歛地捲上  
東家屋萬里邊庭雲氣生紛紛蒼狗爭相逐黑風夜叉  
扛海來何論傾盆與拔木須臾虹見雨忽收纖纖西日  
如鉤曲何物凶蝦蟇無忌恣口腹二十入宿無寸鐵空  
張旗幟搖川嶽日有急難不能赴左龍右虎徒牙角  
皇帝清問欲弭變百官屏氣皆俯伏草莽賤臣上書言  
修刑不如修德速九重徹樂減玉食大臣無敢作威  
福東閣進賢才西曹出冤獄瞽者鼓汝鼓庶人嗇夫馳  
走無縮縮諸陰縱者閉一陽剝而復天人交感如影響

此理可悟不可告春秋二百四十二年中備書日食月  
不錄此間輕重有權衡聖人萬古一明燭

地震

地震行

用龔芝  
麓韻

陳維崧

六月十七風滿天帷屏盃枕大劇顛都門簸盪猶未甚  
齊魯消息紛喧闐山東大吏羽書至急裝快馬相鈎連  
相傳日入星未起可憐人命薄如紙瑯琊城外千村盡  
李家莊上萬人死我昨揚鞭跨驢背一路村墟記其概  
夜火常從餅師乞晨蔬或向園官貸詎知瞬息遭風雷  
震霆一擊坤維開久嗟民力亦已竭頗怪天怒殊難回

我生未習天官書誰從薄蝕占盈虛五行妖沴干皇極  
一片寒芒射帝車是日白日爲之昏海天瀕洞波濤奔  
泰山坼裂并泉溢變故難以恆情論填谿塞阨須臾耳  
蒿里何從辨妻子長平之阨四十萬積屍未必甚於此  
骸骨撐拄如山高陰陰鬼伯求其曹天吳紫鳳有底急  
以人爲戲爭雄豪我向司天驗箕柳寒燈一夜成白首  
都亭訛言日數至三市居人悉狂走或云彰義門下水  
拍天其勢竟欲衝甘泉或云七月大地復將震雞狗驚  
竄如秋煙我時作客望眼枯家書何日來天衢欲歸未  
歸不稱意攬翅學作饑鷹呼秋月如珪復如玦不爲愁

人洗煩熱已分殘年飽亂離那得他鄉暫歡悅嗟嗟我  
生已後時邴寒暑雨常相隨宵旰已知聖主意變理  
終藉羣公爲誅求江左尙官府詎租胥隸打門怒君不  
見吳越家飛三伏雪江淮田漲一春雨

### 地震行

邵長衡

涖灘之歲月在未鼓妖中夜西北至砰訇只愁坤軸翻  
倉皇詎識真宰意牀頭兒女爭啼號屋瓦砉騖紛墜地  
須臾惡飈揚塵沙簸蕩十日奔雷車傳聞山東禍尤烈  
鄆城平原屍如麻前月經天垂太白爾來白毛生一尺  
閭門童謠真有無妖氣從來不勝德野夫覓紙書時日

彼蒼同幹君相力

平陽地震閔邸報作

金德嘉

嗚呼陵谷變平陽乃倉卒一郡逮四縣元元同奄忽乙亥夏四月丁酉罹厥罰城或復于隍裂土似耕望潭潭公府居不能庇袍笏婢子殉夫人狼藉溷齒髮多錢倚頓翁賣餅兒俱窟有谷量馬牛何曾瘞雙鞭生平睚眦仇邂逅瞋一竭菜色僵路隅猶是穴旁宰長平四十萬往者從征伐伍籍隸司馬例書死事骨乃若災沴終名氏誰昭揭縣官軫戶口宵旰咨不歇馳驛遣侍從往哉輕裝發逝者覆釜封存者子糠粃比屋經延燒蓋藏一

以竭封疆有大吏職司扶顛蹶拊循苟亡狀何以稱官  
闕九卿奉 詔旨修救意矻矻蠲復惠子遺可以奠其  
施皇哉汪濊恩用補坤維闕

哀平陽

姜宸英

世間萬事多翻覆康熙乙亥四月六撼動坤維礚礚聲  
燕秦魯衛聲相逐平陽四縣慘獨遭簸掀平地如波濤  
十人糜爛一人活手足斷折肢撈交須臾火起徧燔熱  
活者爬沙少得出唐風耕鑿三十年周餘黎民靡有子  
零丁官長亦可哀無罪身創門戶絕四面腥風破鼻聞  
獨背殘陽哭瓦礫疏聞當寧知其由當時遺勘無停留



帑金齎恤逾十萬萬鬼感泣聲啾啾 聖人憂爲百辟  
先下 詔殷勤思直言何爲至今少建白大小塞默同  
寒蟬羣公鎮靜會有意見怪不怪怪自避此邦陽九數  
合逢金木爲災水火沴勸君莫作杞人憂杞人憂天不  
憂地

紀異

楊錫恆

地乃天之配其道宜安貞胡然此一方震動無時停歟  
若颶風過般若雷車鳴耳目盡駭眩魂魄爲之驚一樣  
本如寄欹仄勞支撐不已勢將壓性命毫毛輕聞諸古  
史冊其變在五行迂儒守章句白黑聚訟爭方今 聖

明世災祲何由生此理不可  
後厥占應元冥陰氣盤地軸欲奮難遽騰小震則小澍  
大震斯益傾屢試不可爽歷久信有徵艾河地庫下谿  
谷流縱橫積滂成巨浸勢欲排邱陵二麥旣黃萎稗稌  
類寸莛惟菽稍有實又恐秋霜零謀生艱一飽寸心憂  
屏營皇天本仁愛視聽非懵懵萬方悉在宥豈獨遠邊  
氓願奪箕畢好長放羲娥晴庶使職載者亦得安坤甯  
艾河亦名艾  
渾卽黑龍江

### 火災

杭州大火行

順治辛丑

沈紹姬

朔風怒號牀欲顛祝融一炬光燭天城中廬舍若鱗次  
蕩然一洗如浮煙健兒持兵夜乘屋朱顏少婦河干宿  
紛紛爛額與焦頭顛倒裳衣跣雙足臨安富人治亭圃  
往往牆壁被錦繡養馬嘗築黃金埒庖厨亦用錦石甃  
由來暴殄干天怒巫祝雖虔神不佑居民檐下多蓄水  
一杯能救輿薪否安得東海老龍忽怒騰雨師一挽河  
漢傾無使地維焚絕天柱崩

後大火行

又

臨安城中竹纖壁五日不雨竹燥裂城中居民受火患  
十里五里延不滅千門萬戶一瞬息朝爲亭臺暮瓦礫

昨夜西風捲地來吹入蓬門灰滿席我見此灰愁拂拭  
原是當年舊金碧君不見貧兒一夜致千金富人三徙  
無容膝世間翻覆何事無吾亦何爲長戚戚

臨安災

汪由敦

嘻嘻出出妖鳥呼融風簸蕩炎官趨絳旃朱纛轟雷車  
祝融下視紛擲撇古杭之會吾其徂古杭之會南宋都  
煙火十萬環闐闐魚鱗鱗次排蝸廬雄哉夏屋何渠渠  
繚垣潦草何其愚飾以堊粉中編蘆小人乘墉日闕闐  
乘間竊發吁難通歟赫歟若揚洪爐頃刻鎔冶黃金鋪  
倉皇列隊奔水夫長吏廣輿塞周衢鞭轡長綆翻斗斛

豪門甲第富所儲帳前銀蒜垂流蘇妖姬驚起不及扶  
顛倒紫鳳繡羅襦藥欄蹙折雙春趺蓬頭露坐那暇梳  
更有寡母泣且吁泔泔統供旦夕糈旬月不滿千青蚨  
上奉老姑下藐孤連緣懼禍殃池魚祝融又瞰軍門櫛  
堂皇深迴安且踰神明似昧貴賤殊折墜乃悞平頭奴  
罽毼鬱攸延構櫺兵校左右史胥徒拱護印紱節與鈇  
燭龍之而擲領珠烏噪不已側柏枯河伯縮伏愁天吳  
使相行臺俄已墟簠簋碎雜餽甌中丞惴恐持官符  
望風角崩禱且膜東偏傑閣皮賜書其幸勿燼蒙濟濡  
祝融用命迴前驅頭焦額爛噫少甦或云麗譙截薛形

齟齬或云拱辰橋圯城北陬鎮壓其令灰劫祛形家者  
言諒不誣上章交議公曰誣長虹一道金錢輸或者又  
云吳山廟貌蒿萊蕪庀之丹雘新前除偃僂紛若用史  
巫賄以椒醕神或娛我聞鶉火粲白榆火房灼灼心之  
虛出納有政王者模丁壬午酉夫婦需重離之明文象  
敷麗於巽木陽乃舒會城自昔形勝區磅礴鬱積鍾扶  
輿况乏埏埴供暨塗徙薪無乃求良圖五行災異言紛  
拏地形雜占粗而迂神遠人邇捷鼓桴神豈好諛胡獻  
諛公孫不作子服殂璫弇玉瓚何爲乎

### 火災行

袁枚

七日融風吹不止鳥聲嚶嚶野滿市縣官此際如沙禽  
中夜時時驚欲起出門四顧心慘裂天地爛如黃金色  
文武一色皆戎妝奔前滅火如滅賊金陵太守氣尤雄  
獨領一隊當先鋒出沒黑煙人不見但聞促水聲朦朧  
水龍百道橫空射倒卷黃河向天瀉蚩尤妖霧青山崩  
黑連蒸土白石化須臾半空飛霹靂赭瓦頽垣如擲戟  
不聞知命避巖牆但見橫屍委道旁春風雨滌新焦土  
夜月霜淒古戰場我聞爲政無近名水懦火烈調其平  
行火所燼表火道書其焚軍寬其征此外姝姝皆小惠  
禁民夜作徒紛更從來心如焚不必額盡燭果然曲突

有周防何至衣冠坐塗炭。白日青天莫放懷。朽株枯木能爲難。

哀沙面

癸酉正月夜沙面災焚軍人寮數百椽斃男婦數十口

韓 封

蜚人生長沙面居居人不許岸旁廬魚蝦作糧竹編屋  
穴處不異獺與狙涵淹卵育日蕃衍居然此戶成邱墟  
人間踏地出賦租不如蜚人浮空虛魚姊蜺妹十五六  
倚門一笑人盡夫五陵少年游俠客纏頭十萬輕如無  
西洋有草凝如酥醉倒同入巫山隅花田花月珠江珠  
是中樂死忘其軀夜半忽聞聲霍霍祝融憑威勢將作  
初驚照蜚春星攢旋訝燎蚊夏電爍驪山諸姨爛紅裙



井陘萬馬皆朱鞞是時月午潮正落逋逃無路可著腳  
岸旁吏卒號且呀欲濟無梁空頸縮坐看飛燼滿長空  
十里笙歌歸冥漠天明猶見落點殘檢點死傷淚盈掬  
就中白面誰家郎殘縑裂素羅綺香子夜清歌醉錦瑟  
五更枯骨橫劫場豈伊腥穢觸上蒼六丁蕩滌懲輕狂  
哀哉蜚人何咎殃生亦地獄死火湯

丙辰十一月十六日記災

朱彭

太歲在柔兆支神屬龍德仲冬月旣望是夜逢月食蠋  
慕何貪饗張吻伺蟾魄當空撥煤焰雲壓半輪黑陡驚  
狂飈翻焚輪勢難抑砢砢屋瓦飛艤飈地軸坼俄聞呼

號聲喧轟來巷陌須臾火光騰翕赫天宇赤回焱肆碣  
駭旋轉若電激我家四條街地祇百武隔烈焰挾風威  
如箭著隣壁旋見燃籬笆卽恐及庖湏倉皇喚家人亡  
命出門闕子婦與少女十步九傾踣兩孫倒裳衣襟袖  
不遑搯走避黃瓊居炎氛復見迫大兒攜妻孥播遷竟  
何適老妻失中途路歧不我卽我奔鐵冶嶺季子僅在  
側骨肉悵分離更往覓消息燎原四望空憑高一身隻  
但聞棟榱崩到處響澎湃鳴鉦申號令運水徒絡繹風  
猛火益驕束手苦無策二更記始災日出猶未熄週遭  
二三里已燬四千室平生廣廈心覆庇尙嫌窄萬姓遭

焚如能勿中心怒而我復被災命蹇更何惜况聞過客  
言前途死傷積苟延亦堪矜焦頭與爛額隣婦護夫棺  
攜兒路填塞前者擁不行後者相陵轢哀哉母子亡血  
肉共狼藉義烈殉阤危念此更悽惻隣婦朱王氏攜二  
幼子扶夫柩出避  
行至中途壞簷下壓柩將被焚  
婦泣伏柩上遭踐踏母子俱死  
我家幸生全相聚淚交  
拭今雖失故集團樂實天錫書畫及玩好雲煙娛瞬息  
藉令能長存畢竟付一擲惟憐所著書一炬難再得

神燈引

十一月十六夜月有食之熒惑與木星同  
度躔于牛女之次夜半吳山火燄四千餘

家煙焰中雙燈皎然如月火勢所至燈輒左右  
之死於火者百數十人是有神也作神燈引

查揆

北風驅雲雲盡墨老梟夜嘯山月黑沈沈寒柝靜無聲  
獨腳山魃捧燈出吳山蒼蒼成劫灰碧芙蓉作紅玫瑰  
蟾蜍爬沙太陰死熒惑墮地聲如雷一燈出樹復上樹  
疑有幽修暗中語可憐四千七百家不照朱門照蓬戶  
北方元武橫鉤陳燭龍搖搖啣蒼旻迴光入海海水赤  
搏桑老榦摧爲薪天雞叫曙煙氛沒猶見長虹射城闕  
長官夜譙籠燈回照見道旁燒死骨

救火行

褚華

元宵絲竹聲玲瓏春燈影裏人作叢月斜有客乘醉出  
不知耳畔生融風市懸煙火趁燈開金錢爭買誇精工

硫黃硝石性殊燥何得以火投其中火投藥中藥卽火  
飛起千道如長虹穿壙已透復繞棟儼持巨斧開山通  
須臾火勢徧閭里騰光迴上天爲紅呼聲動地哭聲沸  
鳴鉦者誰嫗與翁官軍撲救競奔走水龍飛出當其衝  
一龍昂首忽噴水兩龍背面來相攻火光號號水漚漚  
驅之使西還向東水營大帥心何雄一躍登屋離花驄  
揮戈著屋屋傾倒但見火滅煙朦朧焦頭爛額是誰子  
今夕投宿如猿窮

武林  
樂府 捉火頭

陳春曉

歎閭閻不戒火頃刻間無完卵焦土無餘家破休官人

火急捉火頭。捉火頭不須憂。有錢釋放無錢囚。鐵鎖銀  
鐺涕泗流。亦有東隣殃。及西戶。東隣無可求。西家尙可  
取。捨東而捉西。是非顛倒舞。今歲何來賢宰官。懸書惻  
怛。道路觀窮黎。无妄罹災眚。曲突徙薪。但申警火頭。堪  
懲終堪憫。令下胥徒莫敢逞。

七星缸

設於杭州南城外育王山象北斗以鎮火患朔望委員查視貯水

曹德馨

天河乾斗姥醉玉繩紐解。七星墜真武夜喚阿育王手。  
攀日柄承天漿寶缸厭勝位。北方山鬼喜攝錢江水銅  
毬冷浸熒惑紫鵠鵲腊飼火龍死。

官水鹽

夏之盛

南山蜿蜒走火龍。爨煙井井燒天紅。會城雲屯百萬戶。  
竹垣木壁魚鱗重。鴈鷖乾呌日光紫。封姨揚袂招祝融。  
家家爭喚擔水來。製桶標字牆陰埋。大官傳令等兒戲。  
桶底脫盡乾莓苔。廣場晝市羣貨集。朱戶夜飲華筵開。  
鬱攸氣挾人喧呶。風聲怒雜陰鬼號。獮然鼠盜兩目豎。  
沸騰橫剗如秋潮。東隣西隣忍不救。黑煙噤口頭顱焦。  
電蛇幾道風中明。紅標直上屋瓦傾。火巷偪仄火山轟。  
煙飛十里黃埃腥。官人車馬紛來趨。呪泉無術并眼枯。  
令斟桶水桶久破。毒氣壓作純陽鑪。呼號蒼穹願救濟。

白日慘澹灰模糊。桶縱不破成沸湯。闔闔倏變沙礫場。  
萬間安得庇大廈。計口兼給貧民糧。不然我欲跨龍子。  
吸取西江千斛水。

紀災篇

又

銷金窩暖藏歌舞。鵲鷗一呪成焦土。雙宿鴛鴦夢正酣。  
塌翎妖鵠飛無所。比隣豔傍紅樓住。茶毘誤認奢摩路。  
八口枯骸无妄災。諄諄夜半吳回怒。君不見湘管依然  
地下橫。銀荷葉小。賸燈檠。禁煙時節。渾無忌。天意昭昭  
示火坑。

灰燼而鴉片煙具  
有完物不燬者

蟲災

鴨食禾附



蟲異

蟲自靖州天柱而來入清境大小不一類飛集穀倉或全食或半食穀有針孔少許中已

空矣村民禳之卽可獲免因紀其異

陸世楷

仲冬之月百蟲蟄忽有異物從空來細如狗蚤大驚螭所至輒爲倉廩災蟲本化生亦由溼假之羽翼恣飛集輕於塵霧遠忽踰銳若針芒堅已入昨年亢旱良可哀蓋藏竭矣租賦催幸今有收又侵耗害同雀鼠尤壯哉或云降罰皆凶人空中驅遣如有神師巫祈禳頗能驗訛言或亦由愚民古來物變不勝窮穆王軍士成沙蟲千戈連歲多暴骨得無怨魄成鬼雄此蟲曾未見經史紛紛臆說從茲起上天休咎豈易知。勤修人事災應弭。

有虎勿捕蝗勿驅至誠所感異類孚彼蒼降鑒神亦聽  
區區禱祀何爲乎

刈稻行

王子

朱鶴齡

老農腰鎌趁晴穫短禾滿把歎聲作今年暘雨頗失調  
飛蝗雖過未爲虐苗莖苗葉無損傷臭蟲潛生根底蠶  
臭蟲名負蟹見爾雅注芒粒稀疏穗不垂禾根浥爛氣殊惡田家

無望困粟登終歲辛勤空錢鏹兼之縣官急索租簿吏  
登堂恣烏攫脫粟一飯抵玉炊敢希春杵得精粳老農  
切切陳哀辭問我何法充朝飢我聞此言再三歎由來  
荒歉非一貫大無麥禾紀春秋其年無水亦無旱土膏

不發穀不成魯史特書關治亂三國孫吳亦有之沈約  
宋志文可按民生三代後性命全倚天天若不憐徒顛  
連我曹槁餓不足道恐兆兵氣心焦然

明年果有  
滇南之變

### 蟲食苗

程穆衡

黃鶯穀穀花濛濛衡茅曉色光瞳矓木棉抽苗豆初甲  
平疇淺畝何青蔥去冬無雪不殺厲陳屍腊壤流膏膿  
三春瘴陽氣盜洩醞釀惡物災畦隴兩首歧行倏進退  
黃牙黑吻身如弓滋生豈特有種族氣類感化來無蹤  
撲緣根荑徧節葉翕張銳喙捷若風朝曦初升露厭浥  
如桑飼蠶聲鬆鬆田家質衣質種歸三種三食嗟成空

我讀洪範志蟲孽。螟螣蜚蠊蝻賊螽。揣形此種悉非是。  
殃由造物非人功。羊觝鬼血化飛蠱。頗聞此語傳先農。  
殺雞裂紙祀田祖。勿添翅股變爲武官蟲。

驅螣詞

朱仕玠

東風吹雨雨更晴。高田下田螣蟲生。螣蟲分窠似蠶繭。  
低垂腸斷禾頭捲。五月六月無青禾。七月八月將奈何。  
編竹梳蟲蟲滿田。驅鳧食蟲老鳧先。蟲行蠕蠕鳧唼唼。  
蟲頭呷盡禾舒葉。底用低頭拜田祖。炎火之焚笑前古。

低田謠

黃安濤

低田稻苦寒不收。溪水漫入溝塍流。何來野鴨羣覓食。

鳴啾啾黃雲疾風捲一霎空平疇老農嗷嗷向田哭塞  
爾饑腸枵我腹誰道有秋仍不熟嗚呼野鴨之毒毒於  
蝗安得四圍羅網張爾肉詎足充餽糧

水災補

武義道中

吳文照

肩輿出城隅山色輿前繞春田犂确堆欲平居民疎於  
樹頭鳥去年秋七月水決江之東婺州八屬邑武義尤  
當衝雨聲如注江聲吼波力撼山山欲走可憐山下萬  
人家雞犬無聲化鳥有高原老樹露鵲巢下者盡宅前  
鼃蛟沿厓屋共流沙徙蔽水屍如斷梗漂春波轉眼流

三月漲痕消盡山原濶  
夕陽破屋幾災黎性命俱從魚  
腹奪側聞大吏賢封章達  
宸聽散利與緩征  
詔下拯民命民命雖存家已空  
歸來那不歎哀鴻只有無知  
閑草木春來依舊照人紅

水災補

題鄒鍾泉

鳴鶴

開封治水記略

林則徐

狂瀾橫決趨汴城。城中萬戶皆哭聲。孤城障水城垂傾。  
危哉公以赤手擎。是時在官同震驚。民謂非公吾不生。  
撫部牛公洞輿情。授公郡符安編氓。公所自信惟一誠。  
死守誓與陽侯爭。肝膽披瀝通幽明。億兆命重身家輕。  
禦水難於禦暴兵。四圍激鬻鋒莫撓。城頭白日遊赤鯨。  
麗譙夜聽蛟鼉鳴。公親鼙鼓喧軍鉦。衣不解帶巡嚴更。  
始焉拏芟刈榛荆。繼下埽石聲。旬旬連旬。苦雨不肯晴。  
上淋下潦溝澮盈。萬難之際彌專精。焚香告天心自盟。

峭陂斜堰高嶂巖。逼走急溜開中沱。厯伏秋汛及霜濤。  
寢食於城。城可嬰。渡民避水。舟筏迎濟。饑餽飫兼粥餼。  
全活老穉。蘇鰥嫠。是冬鳩工。依定程。河由地中順軌行。  
奈何羣議紛縱橫。欲遷洛邑重經營。咄哉此論乘輿評。  
三詰奚必同盤庚。斯城仍恃衆。志成汴。民困久。茲乃亨。